

Novogodišnja čestitka ambasadora Japana



Povodom Nove 2022. godine, želio bih svima vama uputiti iskrene čestitke. Prošla godina je bila prva godina mog mandata ovde, a također i godina u kojoj se navršila 25. godišnjica od uspostavljanja diplomatskih odnosa između naše dvije zemlje.

Međutim, usljed situacije izazvane pandemijom koronavirusa početkom godine, bili smo prinuđeni otkazati ili pomjeriti mnoge već planirane aktivnosti, uključujući i prijem povodom carevog rođendana, našeg Nacionalnog dana, koji smo trebali održati u februaru. Ipak, dodijelili smo carsko odlikovanje gosp. Crnogorcu, predsjedniku Judo saveza Bosne i Hercegovine, za njegov dugogodišnji doprinos jačanju bilateralnih odnosa.

U maju, ministar vanjskih poslova Japana, gosp. Motegi, bio je u službenoj posjeti Bosni i Hercegovini i tom prilikom održao veoma uspješan razgovor sa dr. Turković, zamjenicom predsjedavajućeg Vijeća ministara i ministricom vanjskih poslova BiH. Možemo reći da je ovaj susret pružio temelj za daljnji razvoj bilateralnih odnosa naše dvije zemlje. Gosp. Motegi je, također, razgovarao sa članovima Predsjedništva Bosne i Hercegovine.

Nakon posjete našeg ministra vanjskih poslova, ja sam intenzivirao diplomatske aktivnosti

i to kroz posjete raznim gradovima širom BiH, susrete sa ekonomskim i političkim liderima, te predstavnicima vjerskih zajednica.

Od jula do septembra su održane ljetne olimpijske i paraolimpijske igre u Tokiju, gdje su sportisti iz BiH ostvarili značajan uspjeh. U jesen, održan je judo turnir kao i brojni kulturni događaji organizirani od strane lokalnih saradnika. Također, u brojnim BiH gradovima smo organizirali ceremonije primopredaje u okviru japanskog programa temeljne grant pomoći za projekte ljudske bezbjednosti (GAGP).

U novembru, dr. Škrbiću, dekanu medicinskog fakulteta na Univerzitetu u Banjoj Luci, dodjeljeno je priznanje ministra vanjskih poslova Japana, za njegove neumorne napore u unapređivanju akademskih i kulturnih odnosa. Pored toga, uručio sam priznanje ambasadora Japana nastavnici japanskog jezika, gđi. Đekić, kao i studentskom udruženju 'DOSOKAI', za njihov doprinos u oblasti japanskog jezika i kulturne razmjene.

Nakon pojavljivanja novog soja koronavirusa krajem prošle godine, teško je predvidjeti šta će se dešavati u bliskoj budućnosti, ali iskreno se nadam da će se situacija poboljšati već početkom ove godine i da možemo organizirati mnogo događaja i obilježiti 25 + 1 godina od uspostavljanja diplomatskih odnosa naših zemalja.

Radujem se nastavku vaše podrške i saradnje.

1.januar 2022.

Ambasador Japana u BiH
ITO Makoto